


**BUOT STUORÁMUS**



**GAAJHKESTE STØØREMES**



**GÁJKIN STUORÁMUS**

## Diehtun searvegottiide 2019 Sámi konfirmánttaleaira birra

Sámi konfirmánttaleaira lea riikkaviidosas sámi leirafálaldat konfirmánttaide miehtá Norgga bealde sámis. Leaira lea risttalaš, sámi deaivvadanbáiki Norgga girku konfirmánttaide. Sámi konfirmánttaleaira dagaha ahte sámi konfirmánttain lea sámi oskkuoahppofálaldat. Jus dain searvegottiin gos konfirmánttat konfirmerejuvvojit ii leat sámi sisdoallu konfirmánttaoahpahusas de soaitá dát leaira heivet sidjiide.

**Goas: Njukčamánu 21.-24. b. 2019**

**Gos: Finsås kursaguovddázis, Snåsas, Trøndelágas**

**Dieđiheapmi: Dieđihanskovvi rahppo 2.1.2019**

**Dieđihanáigemearri lea 11.1.2019**

### Searvegottiid ovddasvástadus lea

- 1) Gulahit konfirmánttaide ja váhnemiidda/ovddasteddjiide Sámi konfirmánttaleaira birra
- 2) Jearrat váhnemiin, ovddasteddjijn ja konfirmánttain geat háliidit searvat
- 3) Dieđihit elektrovnnalaččat sin geat háliidit searvat. Gč. [www.kirken.no/samisk](http://www.kirken.no/samisk)
- 4) Máksit 1000,- kr. iežasoasi juohke konfirmántta ovddas gii háliida searvat. Searvegoddi oažžu rehkega Sámi girkoráđis go leaira lea nohkan.

### Mátkkošteapmi ja orrun

1. Oskkuoahpahusráđđeaddi gulaha [www.kirken.no/samisk](http://www.kirken.no/samisk) siidduin buot maid searvegottiid bargit dárbašit diehtit.
2. Searvegottiid bargit dieđihit konfirmánttaid Sámi konfirmánttaleirii.
3. Sámi girkoráđđi sádde e-poasttas dieđu geat besset mielde leirii. Searvegottebargit mitalit dan konfirmánttaide.
4. Dat lea searvegottiid duohken ahte konfirmánttaid rievttis oktavuodadieđut sáddejuvvojit Sámi girkoráđđái, sihke váhnemiid/ovddasteddjiid ja konfirmánttaid e-poastačujuhus ja telefonnummar.
5. Sámi girkoráđđi gulahallá singuin geat de galget searvat, mátkkošteami birra.
6. Sámi girkoráđđi dingo/oastá billehtaid. Mii čohkket nu oallugiid go vejolaš fárrolagaid mátkkoštit.
7. Sámi girkoráđđi sádde billehtaid e-poasttas váhnemiidda/ovddasteddjiide. Lea sin duohken geahččat ahte konfirmánttat dolvojuvvojit/vižžojuvvojit bussii/busses, togii/togas, girdái/girdis.